

CHRISTO AVSPICE:

IMPETRATO

CONSENSV AM-
PLISSIMI ORDINIS FA-
cultatis Iuridicæ, in inçlyta Aca-
demiæ BASILIENSIS, pro so-
lenni gradu in utroque Iure con-
sequendo, has propositas as-
sertiones de Testibus
defendet

CASPAR NIESS TRE-
monianus.

*Disputabuntur xxi. Aprilis, hora
septima matutina.*

BASILEAE EX OFFICINA
Oporiniana, M. D. XXCI.

ASSERTIO I ▶

Testimoniorum usus (inquit Arcad. lib. sing. de test.) frequens & necessarius est, & ab his præcipuè exigendus, quorum fides non uacillat: alioquin si non credendum esset bonis uiris, qui ueritatem dictorum factorum uel testarentur, futuram experiremur omnium rerum confusionem, cum non semper & ubiq; chiographis, aut sigillis, uel alia solennitate scripturarum negotium confirmari possit. Hinc sanctissimè Imp. Constantinus rescrip. quòd in probatione faciendâ æquè testibus atq; instrumentis credatur.

2. Sed si instrumento contradicatur, non exiguus Dd. conflictus hic extitit, per quot nam testes illud tanquam falsum arguatur: uarij enim uariè de hoc disputant, & in diuersas partes eunt. Verùm duobus testibus illud infirmari & uiribus destitui, firmiter aduersus contrarium statuentes asserimus.

3. Testes uerò describimus eos, quorum fides in re dubia, ad alicuius assertionis testimonium inuocatur, ut ueritati aduersus mendacia malorum patrocinentur, illa quæ rectè elucescat & eruatur, ne horum occultatione alicui ius suum subuertatur.

4. Hoc ne fiat, maximè reipub. interest. Ideo non immeritò, munus testimonij ferendi publicum esse dicimus, aded ut etiam testes aduenç & peregrini citari, moneri, imò etià còpelli mādatis poenalibus possint. Nec refert quòd quis iurauerit, se nolle testimonium perhibere: cum tale iuramentum illicitum, & sic minimè obligatorium esse, rectissimè pontifex respond.

5. Vnde rectè quæritur, si amicus amico secreta quædam dixerit, nec non is sanctè iurauerit, nolle se huiusmodi reuelare, uel alicui dicere: & postea producat in testem, an etiam cogi possit, non obstante iuramento, ueritatem dicere absq; metu periurij? Et hunc sine infamiae nota oportere ueritatem dicere defendemus.

6. Sunt porrò testes alij locupletes, qui olim ex lege x i. tabularum afsidui uel classei uocabantur: hodie uerò integri, idonei, omniq; exceptione maiores: alij uerò suspecti. Et ex his rursus alij dicuntur uiles, redempti, corrupti, mercenarij, falsi, iniurati, singulares, domestici, uarij, contrarij, uacillantes & intestabiles, &c.

7. Possunt esse testes omnes, qui non specialiter prohibentur, uel lege aliqua à testimonio dicendo excusantur. Et hoc uerum non solum in

lūm in pecuniarijs litibus, sed etiam in criminalibus causis, sicut
bi res postulat. facilius tamen coguntur in ciuilibus causis, in qui-
bus ueritatem celare turpe est, quā in criminalibus: quo in gene-
re occultare alterius dedecus, nō est usquequaq; reprehendendū.

8. Prohibentur aut nōnulli ipso iure, ut puta impubes. Pubes autē
factus non prohibetur, nisi in criminali causa, in qua ante uicesimū
annum non testificatur. Sed quæsitum hic à Dd. scio, an pubes fa-
ctus, possit testimonium perhibere de eo, quod in pupillari ætate
uidit? quod magis esse putamus.

9. Similiter & mulier in causis fendalibus, nec non in testamētis
testis esse prohibetur. Quod in codicillis & donatione causa mor-
tis secusse, communi Dd. calculo receptum est, sicuti & in reli-
quis tam ciuilibus quā criminalibus causis de iure ciuili. Nam
pontificio iure, in criminalibus hoc pugna non catet: & licet com-
munis Canonistarum opinio sit, mulierem in criminalibus à testi-
monio perhibendo arceti, tamen contrariam sententiam etiam de
iure pontificio ueriores esse tuebimur.

10. Parentes quoq; & liberi inuicem aduersus se nec uolētes ad-
mittuntur, & omnes hi, quibus imperari potest, ratione patriæ uel
dominicæ potestatis, nonnulli etiam ratione reuerentiæ summæ,
qualis est inter libertum & patronum, maritū & uxorem, socerum
& generum, quidā etiam ratione turpitudinis & criminis, ut excō-
municatus, periurus, usurarius, uel quæ palām quæstum facit uel se-
cerit, damnatus ob adulterium, carmen famosum, calumniam: soci-
us criminis neq; pro socio, neq; aduersus eum fidē facit, & generalit-
ter omnes infames testimonium dicere non possunt.

11. Hinc & illa quæstio non inelegans nata est, num infamis, testē
infamem contra se productum, exceptione infamiæ repellere pos-
sit? & quamuis infamiā uel turpitudinē alteri obijcere infamis non
possit, quia dānat in alio, quod in seipso approbavit, & sic nihil ha-
bere uideatur, quod infami obijciat, iuxta illud, Nihil Catilina Ce-
thego: equius tamē esse hunc infamem à sua exceptione per repli-
cationem non repelli, aduersus nōnullos contrarium sentientes as-
seueramus. Multa etiā alia in testiū persona exploranda sunt, num
scilicet sit locuples, uel egens, uel inimicus ei sit aduersus quem te-
stimoniū fert, uel amicus ei pro quo testimoniū dat, utrum simplici-
ter ferat testimonium, non mutato scilicet uultu. Sæpē enim pallor

uultus, tubor, & titubatio faciunt, ut minus fidei alicui adhibeatur.

12. Nec ignorandum, quodd omnibus in propria causa testimonij dicendi facultatem Ll. submouerunt. Quod uerum esse dicimus non solum quando negotium proprio uel communi iure ad nos pertineat, sed etiam per consequentiam. Hinc est quodd uenditor pro emptore, etiamsi de euctione non teneatur, proxeneta pro altero ex contrahentibus, donator pro donatario, fideiussor pro debitore testimonium non dicant: legatarius tamen, fideicommissarius & tutor in testamento recte testes adhibentur.

13. Quod etiam obtinere in mera simplici; nuncupatione, nulla scriptura uel fide publica adiuta, imd & in codicillis & alijs minus solennibus ultimis uoluntatibus dicimus, utcunque multis reclamantibus. Vassallus quoq; in causa domini prohibetur esse testis.

14. Num uerd ciuis in causa ciuitatis & reipub. collega in causa collegij, dicere testimonium possit, cōcinnè hic quæritur? & posse, sub distinctione concludimus, quam argumentis excutiendam & enucleandam relinquimus.

15. Excusantur porrd à testimonio dicendo lege Iulia & Papia, sanguine coniuncti ex latere: ut nec cognati & agnati, pro & contra cognatos uel agnatos usq; ad septimum gradum regulariter cogendi sint. Item in socerum, generum (licet sponsalia saltem sint celebrata) uiricum, priuignum, uirum, uxorem inuitus nemo testimonium dicit, sicuti & alij cōplures, ut sunt maiores 70 annis, milites, honestæ matronæ & similes, ne litis obrentu in contumeliam matronalis pudoris irreuerenter incurrant. Idcirco quando huiusmodi priuilegiatæ personæ citantur, excusatio illis necessaria erit, nam uolentes admittuntur etiam intra tertium gradum, maxime in ciuili causa. In quo & illud obseruandum est, quoties recipiuntur, toties necesse esse, in actis poni, uolentes esse examinatos, ut impugnatio euitetur.

16. Ex his & hæc Dd. quæstio originem traxit: Num frater in causa fratris testimonium dicere possit? & eum posse statuimus, licet sint qui contrarium ponant. Errare quoq; & eos interpretes dicimus, qui fratrem in testamento fratris, maritum uxoris, patronum liberti testem prohiberi putant. Imd & filium emancipatum in patris testamento testem esse posse, non negamus.

17. Neq; omittendum hic existimamus, si præter hos prædictos
testes,

testes, ueritas nullo modo appareat, plerosq; horum omnes præsertim pontificio iure compelli posse, propter bonum & æquum, ne ueritas occultetur. Sed dubitatum fuit, quis probare debeat ueritatem aliter non apparere & inuestigari posse, producens scilicet, uel aduersarius, uel testis producendus? & producentem hanc probationum inopiam ostendere debere, affirmamus.

18. Allegans autem uitium in teste, puta crimen, infamiam, uel aliam maculam aut impedimentum, liquidè & specificè cum suis circumstantijs illud coram iudice opponere & demonstrare debet, ut iudex qualitatem eius summa sua prudentia estimare possit: cui si de huiusmodi crimine uel impedimento, quod omnem testis fidem eleuet, statim plenè constiterit, potest testem hunc in ipso examinis aditu ex officio suo repellere. Sin uerò non extet expressa legis prohibitio, neque constet planè testem omni fide indignum esse, satius erit eum admitti, & exceptiones, quæ illi obijci possunt, in tempus disputationum referuari.

19. Ex prædictis & hæc in foro quotidiana quæstio Dd. orta est, Si is, qui testi contra se producto crimen obiecerit, & in probatione eius defecerit, an etiam iniuriarum à teste conueniri possit? Et in causa bonorum eum teneri iniuriarum: in criminali uerò non item, defendemus.

20. De numero testium uulgaris regula traditur, quòd ubicunq; lege uel statuto certus numerus non exprimitur, duo sufficiant ad plenam fidem faciendâ: unde unius testimoniû omnino non audiendum, etiam si præclaræ curiæ honore præfulgeat, Imp. Const. rescrip. Idem obtinet, si plures fuerint, sed separata & diuersa dicant, ita ut eorum dicta coniungi nequeant: tunc singuli pro unico teste habentur.

21. Alioqui uerum est quod Arcad. scrib. non tam ad multitudinè, quàm ad synceram testimoniorum fidem, & eorum potissimùm, quibus lux ueritatis adsistit, respiciendum esse. Tres enim gradus in conflictu testium iudex considerare debet, ne confundatur elius animi motus, cæcutiatq; in dijudicanda ueritate: i. autoritatè personarum, quæ uersatur in dignitate, moribus & grauitate: ii. qualitate testimoniorum, id est, quæ magis cōueniant naturæ negotij de quo agitur, & melioribus rationibus suffulta sint: iii. si testes & personarum integritate, & testimoniorum fide sint pares, tunc

quodammodo in re nonis partem negativam defendi possit, contra cōmunem opinionem existimamus: à qua tamen in iudicando minimè recedendum esse arbitramur.

23. Præterea probantur per testes solùm ea, quæ in facto consistunt. Ius enim cum certum sit, nulla probatione indiget, nec testiū adminiculo fulciri potest: nisi cum aliquo facto sit coniunctum, ut in consuetudine probanda, quam duos testes probare posse, non ambigimus, dummodò de iustis cōsuetudinis requisitis simul cum ratione scientiæ deponant.

24. Testificari debent de his, quæ proprijs sensibus corporeis certè & uerè percipere & cognoscere potuerunt: ut si testis in forma depositionis dicat, se uidisse, audiuisse, gustasse, tetigisse, uel olfescisse, prout facti qualitas id exegerit. Nam ex certa & propria scientia, & non super credulitate aut auditu auditus, testimonium perhibendum est: nisi in certis casibus, puta in fama & negotio antiquius gesto, & his similibus probandis.

25. Solam enim testationem prolatam, nec alijs adminiculis approbatam, nullius esse momenti, Imp. Car. Carin. & Numer. rescrip. Itaq; rationem uel causam dicti sui ut reddat, necessariū est, & præfertim cum de ea interrogatus fuerit, per quam uerisimile fiat, eum certò scire quod dixit: quoniam rerum ueritatem scire non possumus, nisi per causam.

26. Sed hoc loco eleganter quæritur, an testes de negatiua testificari possint? Et non posse regulariter dicimus, aded ut super ea deponentes sint suspecti de falso. Idcirco non sine magno errore in articulis huiusmodi, negatiua ponitur, cū ponabilia & probabilia sint eadem. Et huc spectare rescriptum Imp. Diocl. & Maxim. non dubitamus, quòd scilicet per rerum naturam, negantis factum, nulla sit probatio.

27. Et licet super articulis propositis saltè testificari debeant, quia super his tantum iurant: tamè cum ad omnia, quæ ad causam quomodocunq; faciunt, induci uideantur, ad inuestigandam rerū controuerfarum pleniorē ueritatem etiam super interrogatorijs aduersæ partis, item connexis, atq; circumstantijs loci, temporis, & id. genus.

genus alijs, rectè examinantur.

28. Generaliter & regulariter obtinet tam de iure cōmuni, quàm de consuetudine approbata, post litis contestationem solùm testes produci & recipi.

29. Indubitati quoq; iuris est, testium productionem fieri debere sumptibus producentis, siue ab auctore ad probandū articulos positionales, siue à reo ad defensionaliū probationē testes producatur.

30. Si testes longè remoti sint, potest iudex, si expedire uideat, per subsidium iuris, implorato loci illius iudice, aut etiam, si personæ egregiæ uel debiles sint, misso ad eas notario, examinationem instituere, licet aliàs nō tam testimonijs, quàm testibus credatur: ideoq; in propria persona iudici coram adesse debent.

31. Debet præterea iudex, postquam iussit probationes fieri, & produci testes nominauit, eosq; examinari postulauit, testes citare, & parti aduersæ examinationem denūciare: eaq; præsentē, uel contumaciter absente testes recipiat, ab ijsq; iuramentum, præsentē aduersario legitimè citato uel contumaciter absente, exigat. Sed quid si ipse dominus citetur, & non procurator qui litem contestatus est, & dominus non uenerit, an examen ualeat? Et non ualere affirmamus.

32. Iurare autem testes debent, se in causa ueritatem eorum quæ sciuerint, citra affectionem dicturos, & omnem falsitatis calumniā euitaturos. Iniurato namq; testi minimè credendum esse, passim utroq; iure traditum est. Nec ignorandum, quòd ante depositionem hoc iuramentum testes præstent: sin uerò post, tunc illorum testimonium nihil ualere.

33. Hinc quæsitum est, an partium consensu testibus iurifurandi religio remitti possit? Et non posse, Innoc. III. papa respon. Statutū tamen uel consuetudinem, ut generaliter omnibus testibus iniuratis fides plena adhibeatur, ualere inficiamur.

34. Postremò adijciendū, secretò debere iudicē, & clam partibus, adhibito tantum notario qui dicta cōsignet, sigillatim testes examinare: & reducto in memoriā iureiurando, religiosè super omnibus articulis atq; interrogatorijs eos interrogare. quo peracto, partibus citatis attestaciones aperiantur & publicantur: post publicationem uerò partibus facultas producendi amplius testes denegatur.

35. His deniq; assentientibus, fastigiū imponat hæc ardua & difficilis

facilis Dd. utriusq; Iuris quæstio, An scilicet post didicita testificata
super iisdem articulis in causa appellationis testes denuò produci
possint? Et secundum Canonistas minimè hoc licere, nemo est qui
dubitet: secundum Legistas uerò id prohibitum non esse, asseuera-
mus, cui & in terris Romani Imperij plerunq; statur, & illud iure &
ratione defendi posse non dubitamus.

*Disputandi gratia impertinenter addo ex difficili
Africani respons.*

**Fideiussoris obligationem ex mora uel contumacia rei
principalis non augeri.**

F I N I S .

